

562 Nominē Episcopi Ruremundæ quasitum fuit à S. Rit. Congreg. declarari, an Invitatorium, *Hodie si vocem Domini audieritis, nolite obdurare corda vestra*, tempore Passionis in Quadragesima debeat cantari, sicut alia Invitatoria extra tempus Passionis, scilicet sexies integre, & ter imperfecte, hoc modo post verbum: *Quadragesima annis proximus fui &c. Hodie si vocem Domini audieritis, nolite obdurare corda vestra*, omisso *Gloria Patri &c. Nolite obdurare corda vestra*, & iterum repetatur integre *Hodie si vocem Domini audieritis, nolite obdurare corda vestra*, & Nolite obdurare corda vestra, repeti debere integre Invitatorium: *Hodie si vocem Domini audieritis &c.* Eadem S. R. C. 4. Jul. 1683. in Ruremundan.

563 Receptio ad habitum, & ad professionem religionis sub re gravi numerari non potest, ut ex consuetudine cantari possit missa votiva solemnibus etiam de Spiritu Sancto in Dominicis, vel duplicibus, & hic abusus omnino est derogandus; Sacra Rit. Congreg. 24. Jul. 1683. in Ruremundan. (In Dominicis, vel duplicibus) In semiduplicibus vero potest, sed sine Gloria, & Credo: Rubr. Missalis, de missis votivis. Vide num. 849.

564 Missæ votivæ de SS. Sacramento, vel de B. M. V. in cantu fundatæ dici non possunt in duplicibus, aliisque diebus duplicia excludentibus; sed cantari debent missæ de festo currenti cum applicatione sacrificii, juxta decretum editum 19. Maii 1614. sicque satisfieri, & benefactorum mentem impleri, non obstante quacumque consuetudine in contrarium, declaravit S. R. C. 24. Julii 1683. in Ruremundan. (Cantari debent de festo currenti). An vero possit satisfieri, loco cantatarum, lectis Missis: Vide num. 1285. Vide etiam n. 145. & 269.

565 Modus benedicendi alios, vel rem aliquam, debet esse cum manu recta, & digitis simul junctis, & extensis; S. R. C. 24. Julii 1683. in Albinganen.

566 Patena ad missam in extremitate, seu ora patenæ congruentius est osculanda; S. R. C. 24. Julii 1683. in Albinganen.

567 In processionibus, quæ fiunt cum interventu Capituli cathedralis, præcedentia debetur Beneficiatis ejusdem supra Parochos; S. R. C. 2. Octobris 1683. in Taurinen. (Supra Parochos). Aliis, si Parochi essent de gremio Capituli. Vide n. 611.

568 An per decretum de non transferendis, sed omittendis officiis Sanctorum ad libitum, quando dies eorum festivitatum sunt impediti alio officio novem lectionum de præcepto, nempe diebus Dominicis, octavis, & natalitiis Sanctorum &c. comprehendantur, & revocentur concessiones officiorum ad libitum ab Apostolica Sede peculiariter factæ, & fixæ diebus, qui ab eadem jam alteri festo, & officio novem lectionum in calendario Romano erant assignati, recitandi scilicet ad libitum officium S. Elisabeth Regine Portugaliæ die 4. Julii, officium octavæ SS. Apostolorum Petri & Pauli in calendario Romano jam impedito; S. R. C. respondit, prout aliis in Neapolitana die 28. Nov. 1682. non comprehendi. Verum si prædictum officium eo die juxta Rubricas recitari nequeat, tunc eo casu non esse transferendum, sed omitti debere; Sac. Rit. Cong. 2. Octobris 1683. in una dubiorum. (Ad libitum officium S. Elisabeth). Hodie ad diem octavam translatus est sub ritu semiduplici de præcepto: Ex const. Innocentii XII. 29. Januarii 1695. (Non comprehendi,) ideo hic videtur spectare generalem modernam constitutionem, quam vide n. 1214.

569 Quando pro aliquo festo, vel officio concessio reperiatur ritus duplex absque expressione majoris, vel minoris, concessio intelligenda est de duplici minori etiamsi ad honorem Deiparæ facta fuerit; Sac. Rit. C. 2. Octobris 1683. in Valentina; & 20. Nov. ejusdem anni in Laudan.

570 Dum dicenda sunt suffragia Sanctorum in locis gaudentibus duobus, vel pluribus Patronis principalibus, faciendæ est commemoratio tantum de Patrono principali; S. R. C. 20. Nov. 1683. in Laudan. (Tantum

de Patrono principali). An hoc decretum sit præceptivum quoad exclusionem plurium patronorum: Vide n. 1293.

Moniales Ordinarii locorum subjecta non tenentur recitare officia particularia diocesis; tenentur tamen recitare de Patrono principali loci, & de Titulari ecclesiæ cathedralis; necnon de ejusdem ecclesiæ Dedicatione, non vero de eorumdem festorum octavis; S. R. C. 20. Novemb. 1683. in Laudan. (De Patrono principali loci) sub ritu primæ classis. Vide num. 539. (De Dedicatione) vero Ecclesiæ sub ritu secundæ classis: & an ly non tenentur importet necessitatem, & quid agendum de Patrono regni, vel provincie: Vide num. 537. 542. seq.

Quando in indultis & decretis super concessione officiorum leguntur verba illa *recitari posse, fieri posse*, ita intelligenda sunt, ut nihil significant præter officia ad libitum quibus omnino competit decretum die 24. Januarii 1682. pro Sanctis ad libitum emanatum; S. R. C. 20. Novemb. 1683. in Laudan. (Nihil significant præter officia ad libitum) intellige, cum nondum sint acceptata; secus autem post acceptationem. Vide num. 931. & 1058.

Vicario foraneo ratione sui vicariatus nulla debetur præcedentia, seu præminencia, & ad Præpositos forenses spectat præcedentia super Vicarios foraneos in processionibus, sessionibus, & aliis actibus fieri solitis occasione synodi diocesanæ; S. R. C. 11. Martii 1684. in Papien. (Nulla debetur præcedentia) nisi in congregationibus casuum Conscientiæ. Vide num. 556.

Rubrica concedit usus planetarum complicatarum ante pectus Diaconis, & Subdiaconis ministrantibus in missa solemnī, in cathedralibus, & præcipuis ecclesiis in diebus jejuniorum cum limitatione, ut ibi: in minoribus vero ecclesiis, ministris prædictis dat tantum usum albae cum manipulo Subdiacono, & cum stola ac manipulo Diacono; Sacra Rituum Cong. 13. Jun. 1684. in Angelopolitana. (In diebus jejuniorum cum limitatione, ut ibi), videlicet excipiendæ sunt Vigiliæ Sanctorum, & Dominica tertia Adventus (etiamsi ejus missa infra hebdomadam repetatur), & quarta Quadragesimæ, Vigilia Nativitatis (licet in Dominica occurrerit), Sabbato Sancto in benedictione cerei quoad Diaconum tantum, & in Missa quoad etiam Subdiaconum ac quatuor Temporibus Pentecostes. In benedictione vero candelarum, & processione possunt & debent uti planetis plicatis, vel in albis, ut supra in die Purificationis Beatæ Mariæ, & in benedictione cinerum, ac benedictione palmarum & processione; quam planetam Diaconus dimittit cum lecturus est Evangelium, eaque tunc super sinistram humerum super stola complicatur, aut ponitur aliud genus stolæ latioris in modum planetæ plicatæ, & facta communione resumit planetam, ut prius. Similiter Subdiaconus dimittit eam cum lecturus est epistolam, quam legit in alba, & ea finita, osculataque Celebrantis manu, planetam resumit, ut prius: Rub. Miss. cap. 19. num. 6.

In concurrentia festorum S. Antonii Patavini Confessoris, & S. Basilii Episcopi & Confessoris, quæ Panormi ex Indulto Apostolico sub ritu majori celebrantur, Vespere dimidiandæ sunt; & faciendum à Capitulo de sequenti cum commemoratione præcedentis; Sac. Rituum Congreg. 17. Junii 1684. in Panormitana.

Cum SS. D. N. Innocentius Papa XI per universam ecclesiam celebrari præceperit festum SS. Nominis Mariæ Dominica infra octavam Nativitatis ejusdem cum officio & missa propria sub ritu duplicis majoris, quod festum jam ante ex Indulto Apostolico nonnullis in locis, cum Indulgentiis pro Christi fidelibus missæ solemnī interessentibus die 17. Septembris celebratur cum Officio & Missa propriis; Institutum fuit à Sacra Rit. Cong. declarari: *Primo: An cessare debeat in dictis locis tam Officium proprium, quam festum Sanctissimi Nominis Mariæ jam antea à Sede Apostolica approbatum, ita ut idem festum dicta die 17. Septembris cum dicto officio & missa propriis non possit amplius mutari? Secundo: An dicta Indulgentiæ etiam*

concentur cessare, an vero intelligantur translate, ad dictam Dominicam infra octavam B. Mariæ Virginis Tertio. An dictum officium & missam pro dictis locis, aut Ordinibus Regularibus possint amplius reimprimi; ac illo posthac possint idem uti? Et Sac. Cong. ad dicta dubia, ut infra: *Ad primum: Cessare debere. Ad secundum: In Indulgentiis propriis cessare pro illa die; & pro translatione supplicandum esse Sanctissimo. Ad tertium: Non licere.* Eadem Sac. R. Congreg. 17. Junii 1684. annuente Innocentio XI. in sua constitutione XVI. in fine, quæ incipit Nuper pro parte. Vide num. 509. 579. & 1123.

Concurrente Sancto antiquiori Patrono civitatis cum alio Sancto recentiori pariter Patrono, nulla habenda est ratio de posterioritate patronatus, unde vespere dimidiandæ sunt; S. R. C. 17. Junii 1684. in Panormitana.

In Ecclesiis titularibus B. M. V. inter Sanctorum suffragia faciendæ est commemoratio de B. M. V. non obstante quod in choro recitetur ejusdem officium parvum; Sacra Rituum Congreg. Jun. 1684. in una Urbis, & 14. Aug. 1691. in Romana dubiorum. Commemoratio de Beata Maria; id est, Sancta Maria &c. ut in Breviario, licet ecclesiæ dedicatio sub Assumptionis, Annuntiationis &c. titulo esset sacra. Vide num. 662.

Vicario Apostolico in omnibus ecclesiis, & ecclesiasticis functionibus, debentur tantum illæ prærogativæ, quibus gaudent Vicarii generales Episcopi, & titulus Illustrissimi Vicario Apostolico non debetur; S. R. C. 12. Aug. 1684. in Spoletana, & eadem die & anno in Imoles. Vide num. 16. 222. & 582.

In festo Sanctissimi Nominis B. M. V. non est faciendæ commemoratio de ejusdem Nativitate, & in secundis vespere de Nativitate cadentibus in sabbato, non est faciendæ commemoratio de prædicto Sanctissimo Nominē; Sacra Rituum Congreg. 23. Sept. 1684. in Decreto generali. (Non est faciendæ commemoratio). Similiter in festo almæ Domus die tertia octavæ Conceptionis occurrente, ubi celebratur; Rubr. Miss. & Brev. prop. Vide num. 575.

In occurso non licet transferre officium proprium ordinis, vel diocesis causa faciendi ad libitum aliud. S. R. C. 2. Dec. 1684. in una Can. Reg. Lat. ad 10. dubium. Vide num. 567.

In die infra octavam non potest fieri officium licet occurrere de Sancto ad libitum; Sac. Rit. Congreg. 2. Dec. 1684. in una Can. Reg. Lat. (Infra octavam); intellige de quacumque octava. Vid. num. 632.

Vicario generali debetur primus & dignior locus ac præcedentia supra primam, & alias omnes Dignitates, & canonicos ecclesiæ cathedralis, tam in choro quam in processionibus, & aliis functionibus ecclesiasticis; S. R. C. 2. Dec. 1684. in Meliten. (Debetur præcedentia), intellige forsitan de Vicario, qui non est de gremio, ut in num. 16. & 222.

Qui recitat officium de Sancto, de quo habet insignem reliquiam in propria ecclesia, si celebrat eo die in alia ecclesia, debet omittere Credo; S. R. C. 2. Dec. 1684. in una Can. Reg. Lat. & 10. Jan. 1693. in una Galliarum. (Insignem Reliquiam) considerandum exhibet num. seq. 162. & 215.

Clerus, qui habet Indultum recitandi officia Sanctorum quorum insignes reliquie asservantur in aliena ecclesia, quæ habet Clerum separatam, in missis non debet dicere Credo; S. R. C. 2. Dec. 1684. in una Can. Reg. Lat. Vide num. ant. & 639.

In missis votivis privatis de SS. Sacramento, & de officio duplici, quæ celebrantur in ecclesiis ubi adest Sacramentum expositum occasione quadragesimæ Horarum, non dicitur Credo, nisi aliter competat missæ officii duplicis de die; S. R. C. Cong. 2. Dec. 1684. in una Can. Reg. Lat. (Non dicitur Credo), neque Hymnus Angelicus, etiam tempore Paschali; Rubr. Miss. c. 8. num. 4.

In missa privata de Sancto duplici, vel semiduplici, de quo tali die fit officium, potest quidem fieri commemoratio de SS. Sacramento exposito occasione qua-

dringinta Horarum, sed omittenda in festis primæ & secundæ classis; S. R. C. 2. Dec. 1684. in una Can. Reg. Lat. (Occasione quadragesimæ Horarum). An id intelligatur etiam in aliis expositionibus, Vide num. 1222.

Durante expositione Sanctissimi Sacramenti, occasione quadragesimæ Horarum, regulariter celebrari non potest missa privata de Requiem, licet occurrat officium hujusmodi missas admittens; neque cantari potest missa defunctorum pro adimplenda mente testatoris, sive anniversario satisfaciendo, Sac. Rituum Congreg. 2. Decembris 1684. in una Canon. Reg. Lat. (Occasione quadragesimæ Horarum). Adde etiam pro publica causa, licet Sacramentum sit inclusum in pyxide. Vide num. 1223.

In missa privata de festo semiduplici, simplici, seu votiva, vel de infra octavam, sive de feria non privilegiata, potest in penultimo loco dici collecta pro particulari defuncto puta: *Inclina*, vel *Deus qui nos Patrem &c.* & similia, sed ob id non est omittenda ulla ex collectis pro tempore assignatis, puta, *A cunctis*, vel *Ecclesiæ*; S. R. C. 2. Dec. 1684. in una Can. Reg. Lat. (Pro particulari defuncto). Quoad defunctos in generali, require num. 557.

Qui in sabbato infra aliquam octavam B. M. V. recitat officium de aliquo Sancto, eo die occurrente volens celebrare missam votivam de B. V. tenetur quidem dicere missam festivam cum Gloria, sed sine Credo; S. R. C. 2. Decembris 1684. in una Can. Reg. Lat. (Cum Gloria, sed sine Credo). Extra sabbatum omittitur etiam Gloria. Vide num. seq. & 67.

Qui in sabbato recitat officium de B. M. V. volens celebrare missam votivam de aliquo Sancto, non debet dicere Gloria, neque Præfationem B. M. V. sed communem; S. R. C. 2. Dec. 1684. in una Can. Reg. Lat. Vide num. ant. (Præfationem...communem) vel de octava, si non habeat propriam. Vide num. ant. 67. & 850.

In ecclesiis B. M. V. dicatis, seu aliis Sanctis, ubi adest immemorabilis consuetudo cantandi missam votivam de B. M. V. singulis sabbatis, licet continuari potest, etiamsi occurrat officium duplex, dummodo non omitatur suo tempore missa conventualis; S. R. C. 2. Dec. 1684. in una Can. Reg. Lat. (Missam votivam) post Nonam; Rub. Miss. cap. 15. num. 4. (Continuari potest). Qui vero dies excipiendi sint: Vide n. 264.

Non est omittenda una ex assignatis orationibus in missa, veluti tertia *A cunctis*, si secunda esset de Festo simplici, ut ejus loco dicitur oratio imperata, veluti *Deus refugium*; (sed post tertiam orationem *A cunctis* potest & imperata dici, cum in missa de semiduplici, vel simplici, vel votiva, non sint necessario dicendæ collectæ impares, puta tres, quinque, vel septem; Sac. Rit. Cong. 2. Decembris 1684. in una Can. Reg. Lat. (Non sunt necessario dicendæ collectæ impares). An id faciendum in Missis defunctorum, consule n. 1102.

In exequiis post absolutionem, quæ fit supra cadaver in die obitus, vel supra tumulum in die anniversario, dicto *Requiescant in pace*, subjungi debet *Anima ejus & anima omnium Fidelium defunctorum per misericordiam Dei requiescant in pace*; sed super lecticam, seu castrum doloris in commemoratione omnium fidelium defunctorum, nihil est superaddendum; Sac. R. C. 2. Decembris 1684. in una Can. Reg. Lat. Vide num. 666. Hoc decretum quoad secundam partem habet locum quotiescumque celebratur officium pro omnibus defunctis.

In missa Patroni minus principalis non debet dici Credo, & particulam Patroni intelligendam esse de Patrono principali tantum, nec posse extendi ad minus principales statuit S. R. C. 2. Decembris 1684. in Beneventana, & 15. Septembris 1691. in Lycien. (Non debet dici Credo); Nec potest suffragari consuetudo contraria. Vide num. 1190.

Si festum SS. Nominis B. M. V. quod sub ritu duplici majori celebrari debet Dominica infra octavam Nativitatis ejusdem, occurrerit in die octava dictæ Nativitatis; officium erit de dicto Sanctissimo Nominē, omis-



sa in utriusque Vesperis & Laudibus commemoratione de prædicta octava Nativitatis, S. R. C. 15. Sept. 1085. in una officii SS. Nominis B. M. Virg. Innoc. XI. annuente 24. ejusdem. (Officium erit de dicto SS. Nominis), ob speciale privilegium. Vide num. 730. Vide etiam 579.

597 Vicarii foranei in functionibus ecclesiasticis, nimirum missis, vespers, & processionibus, sessionibus locorum, aliisque similibus, non debent præcedere Archipresbyteris, aliisque Curatis parochialium. In Congregationibus vero casum conscientie, quæ solent fieri, debent præcedere supra omnes, etiam Archipresbyteros; Sac. Rit. Congreg. 10. Febr. 1685. in Imolen. Vide num. 572.

598 Præceptum, quod in Nocte Nativitatis Domini post missam decantatam non possint successive alie duæ Missæ celebrari, nec Communio exhiberi Eucharistica fidelibus depositibus, ligat etiam omnes Regulares tum Ordinis Mendicantium, tum etiam Societatis Jesu, tum omnes cujuscumque Instituti, etiam speciali mentione nominandi. Neque possunt excipi in ecclesia confessiones, maxime mulierum, durante tempore nocturno, sed expectandum est, ut illucescat aurora tam pro confessionibus mulierum excipiendis, quam pro Eucharistia ministranda fidelibus utriusque sexus; S. R. C. 23. Mart. 1685. in Senen. & 15. Sept. 1686. in Calaguritana. Vide num. 285.

599 Reliquæ Sanctorum, quæ deferuntur in processionibus pro civitatibus & oppida, non debent deferri sub baldachino; S. R. C. 23. Martii 1685. in Calaguritana, Vide num. 255.

600 Anniversaria, sive missæ quotidianæ cantatæ de requiem, relicta ex dispositione testatorum, pro certis diebus, hisque impeditis, die Dominico, seu alio festo de præcepto, cantari possunt in diebus subsequentibus, seu antecedentibus, in quibus occurrunt Officia de festo duplici majori, non tamen de præcepto, præcipue de Sanctis proprii Ordinis, non relicta tamen missa in cantu de festo duplici minori occurrente, quatenus adsit onus cantandi; Sac. Ritum Congreg. 4. Maii 1686. in una Can. Reg. Lat. (Diebus subsequentibus seu antecedentibus); sed satius est prævenire. Vide num. 19.

601 Cum primum accipitur nuntium de obitu in loco dissito alicujus de gremio, potest statim cantari missa de requiem, ut in die obitus pro ejus anima in festo duplici majori, vel minori, non tamen de præcepto, ut citius suffragetur anime defuncti, non relicta tamen in cantu de festo duplici minori occurrente, quatenus adsit obligatio cantandi. Sacra Rit. Cong. 4. Maii 1686. in una Can. Lat. (De præcepto) audiendi sacrum, & abstinendi ab operibus servilibus. Vide num. 1299.

602 In anniversario translato ob festum de præcepto non variari debet oratio: Cujus anniversarium depositionis diem commemoramus; sed recitanda prout in missali; S. R. C. 4. Maii 1686. in una Can. Reg. Lat. Vide num. 19. & 1299.

603 Si festum Exaltationis SS. Crucis occurrat in Dominica infra octavam Nativitatis B. M. V. in qua celebrandum est festum Sanctissimi Nominis B. M. V. tunc Officium Nominis B. M. V. transferendum est ad primam diem festo novem lectionum non impeditam; S. R. C. 20. Jul. 1686. in una Dubiorum. Vide num. 595.

604 Quando in missa solemni concionator post salutationem Angelicam salutet ministros altaris, seu facit reverentiam, non est incongruum si Ministri altaris, & ipse Celebrans correspondeant salutationi concionatoris discooperiendo caput; Sacra Rit. Congreg. 20. Jul. 1686. in Angelopolitana. (Salutationem angelicam), quæ semper dicitur etiam tempore Paschali, non vero Regina cæli; Carem. Episcop. l. 1. cap. 22. numer. 5. Vide etiam num. 628.

605 In Natali Domini in tribus missis post sumptionem Sanguinis, eundo & redeundo in medium altaris, non est faciendâ genuflexio, vertendo se Celebrans ad Dominum vobiscum, & ad dandam benedictionem debet renes vertere ad altare, licet species vini non sint exsiccatae in calice; & servantur rubricæ missalis Roma-

ni de ritibus in celebratione missarum 11. 12. num. 2. S. R. C. 20. Jul. 1686. in Angelopolitana. (Serventur rubricæ missalis) in quibus nullam genuflexionem faciendam esse præscribitur; Rub. prop. Vide num. 706.

In concurrentia plurium officiorum æqualis ritus, sive Martyrum, vel Confessorum, aut Virginum, vel Viduarum, minime attenditur dignitas eorum, sed præferenda sunt festa posteriorum, si celebrentur pompa solemniori, aut sint ex illis festis, quæ celebrantur in propriis locis, & Ecclesiis; & hoc juxta verba Rubricæ de concur. officii tit. 15. num. 2. inter festa æqualis ritus &c. S. R. C. 20. Julii 1686. in Tridentina. (Juxta verba rubricæ.) Vide num. 521.

In die commemorationis omnium fidelium defunctorum, potest fieri officium de festo duplici minori, sed missæ privatæ sunt celebrandæ de Requiem. S. R. C. 5. Octob. 1686. in una Urbis, & 27. Sept. 1698. in una S. Germani Monis Casini. De duplici minori (etiam translato). Vide num. 722. (Missæ privatæ). Quid de Conventuali statuatur. Vide num. 44.

Vicario generali in functionibus ecclesiasticis, in choro, processionibus, synodo, & aliis actibus publicis, & privatis competit præcedentia supra Capitulum Cathedralis. S. R. C. 13. Mart. 1688. in Laudem. (Competit præcedentia supra Capitulum), cum restrictione vero, ut in num. 16. & 222.

Proposito dubio, in Declarationes Alexandri VII. & Clementis IX. sibi locum vindicarent etiam in diebus Dominicis, & infra octavas Paschatis Resurrectionis, Pentecostes, & Corporis Christi, aliisque anni diebus, quibus, licet à festo duplici non impediatur, adhuc tamen missæ defunctorum juxta ritum Ecclesiæ celebrari nequeant, quatenus nimirum missæ, quæ iisdem diebus celebrare licet, servata ceteroquin privilegiatorum forma, ad altaria privilegiata celebrarentur. Et responsum fuit; Prædictorum Pontificum declarationes pro omnibus diebus, quibus juxta rubricas missæ defunctorum celebrari non possunt, intelligendas esse; S. R. C. 3. Apr. 1688. in decreto generali ab Innocentio XI. confirmato per Breve, quod incipit: Aliis postquam, datum die 4. Maii 1688.

Festum Nativitatis S. Joannis Baptiste præferri debet festo Dedicationis ecclesiæ, & habere integras secundas vespas cum commemoratione tantum sequentis. In festo autem Dedicationis Vespere sunt dimidiandæ, & à Capitulo debet fieri de Sanctis Patronis cum commemoratione Dedicationis, ut in utroque casu præscribitur in rubrica de Concurrentia num. 2. versus Inter festa. Ita pariter infra octavas dictorum festorum, nempe S. Joannis Baptiste, & Dedicationis &c. faciendum est officium de octava S. Joannis Bapt. cum com. octavarum Dedicationis, & SS. Patronorum, seu Titularium ecclesiæ, ut in tabella de Concurrentia n. 7. & Gavantus in Rubr. scilicet 3. cap. 8. num. 6. Sac. Rit. Congreg. 21. Aug. 1688. in Aquilejensi. Festum Nativitatis S. Joannis Baptiste præferri debet festo Dedicationis: In alia duplicia primæ classis habeant locum à Dedicatione Ecclesiæ, & quid de octava omnium Sanctorum in concursu octavæ Dedicationis, consule num. 659. 919. & 1253. Gavant. in Rubrica scilicet 3. cap. 8. num. 6. ubi legitur: In eadem vero classe attende personas hoc ordine, Christum, beatam Virginem, Angelos, S. Joannem Baptistam, Apostolos, & alios juxta ordinem Litaniarum, & Rubricarum. De concurrentia Officii num. 2. & ceteris paribus dignior est ea octava, quam celebrat universalis Ecclesia; Gavantus l. c.

Occurrente die octava Dedicationis cum festo Visitationis Beate Mariæ Virginis, faciendum est officium de octava, translato officio Visitationis. S. R. C. 21. Augusti 1688. in Aquilejensi. (Faciendum est officium de octava), quæ non cedit, nisi duplicibus primæ, aut secundæ classis. Vide num. 652. & 660.

Quando Parochi non sunt de gremio Capituli, præcedentia debetur Beneficiatis supra Parochos; secus vero si Parochi habent scilicet in choro, & sunt de gremio illius Capituli. S. R. C. 22. Aug. 1688. in Bituntina. Vide num. 566.

Oc-

613 Occurrente festo S. Marci die Dominico, in missa Rogationum non dicitur Credo, quia est missa ferialis. S. R. C. 25. Septemb. 1688. in Mutina. (Die Dominico.) Adde etiam infra octavam Paschatis. Vide n. 700.

614 Occurrente eodem die festo novem lectionum calendarii particularis cum altero festo calendarii universalis, quæ tamen sint ejusdem ritus, prius recitari debet de festo calendarii particularis, & postea universalis. S. R. C. 22. Januar. 1689. in Senogallien. (Ejusdem Ritus), dignitatis, & solemnitatis. Vide numer. 553.

615 Quando occasione belli contra Turcas dicitur Collecta, vel missa contra Paganos, non potest mutari nomen Paganorum, dicendo Tarcarum, vel Hereticorum. S. R. C. 4. Jul. 1689. & antea 4. April. 1626. in Egitanen.

616 Canonici Sacerdotes, quamvis possessione canonicatus posterioris ubi præbendæ non sunt distinctæ, semper & ubique præferendi sunt Canonici inferioris ordinis, etiam possessione canonicatus anterioribus, non obstante immemorabili consuetudine, quam abusum impræscriptibilem esse declaravit S. R. C. 30. Jul. 1689. in Surtina. Secus, ubi præbendæ sunt distinctæ. Vide num. 265.

617 Vicario generali quotidiano habitu induto, sive sit Protonotarius cum rochetto, & mantelletto, danda est præcedentia semper & ubique super omnes Dignitates, & Canonicos sacris vestibus non indutos. S. R. C. 30. Jul. 1689. in Iclana. (Semper & ubique): servatis vero iis, quæ in num. 16. & 222.

618 In missis Votivis B. M. V. quæ recitantur in sabbato, dicitur Gloria in excelsis Deo, etiam non fiat officium de eadem. Sac. Rit. Cong. 30. Jul. 1689. in una Ord. Cappucin.

619 In processione solemnī SS. Corporis Christi, quando processio sistit, Sacerdos celebrans, Subdiaconus, & Diaconus non debent sedere, neque in scamno, neque in sedibus, etiam si deferantur ad ornatum tantum. S. R. C. 21. Jan. 1690. in Hirapalen. (Quando processio sistit), præcipue propter longitudinem; tunc in alia quæ ecclesiæ poterit super altare deponere SS. Sacramentum, & aliquantulum quiescere, & ibidem, antequam discedat, thurificare Sacramentum, & orationem de eodem cantare: quod tamen non passim in singulis ecclesiis, vel ad singula altaria, quæ forsitan per viam constructa, & ornata reperuntur, faciendum est, sed semel tantum, vel iterum: Carem. Episcop. lib. 2. cap. 33. num. 22.

620 In Sabbato Sancto etiam occurrat festum Annuntiationis B. M. V. celebratio missarum privatarum omnino prohibetur in quibuscumque ecclesiis, & oratoriis, tam publicis, quam privatis, non obstante quacumque contraria consuetudine, sed unica tantum Missa conventualis una cum officio ejusdem Sabbati Sancti celebretur; S. R. C. 11. Feb. 1690. approbante Alex. VIII. (In oratoriis tam publicis, quam privatis): etiam nobilitatum laicorum, quæ proscriptio quoad oratoria privata, se extendit ad diem primam Paschatis, Pentecostes, Nativitatis Domini, & alios solemniores dies, quos inter etiam enumerantur dies Epiphaniæ, & Ascensionis Domini, Annuntiationis, & Assumptionis B. Mariæ Virginis, Omnium Sanctorum, necnon SS. Apostolorum Petri & Pauli, ac Titularis ecclesiæ loci. Jus erigendi oratoria privata privative habet solus Papa arbitrio Episcopi propriæ diocesis duraturum; const. Bened. XIV. 21. Junii 1751. quæ incipit Magno animi nostro more: Et hoc non licere etiam Regularibus cujuscumque Ordinis, Instituti, Congregationis, etiam Societatis Jesu, aut etiam cujuscumque Ordinis Militaris etiam S. Joannis Hierosolymitani, aut aliis quibuscumque Sacerdotibus, etiam si Episcopi essent, addita Regularibus prohibitione, pro cuius obedientia Episcopi etiam per censuras operam dare tenentur, ne in privatis Regularium cellis sive cubiculis erigatur altare pro missa celebranda, remota etiam consuetudine immemorabili. Episcopi autem & his majoribus Prelatis, etiam Cardinalibus dignitate fulgentibus, licet ex privilegio in

corpore juris clauso possint altare erigere, tamen quocumque titulo suffragante, nullo modo licet extra domum propriæ habitationis, in domibus laicis, tam in sua, quam in aliena diocesi, celebrare seu celebrare facere: quæ prohibitio intelligenda non est de domibus etiam laicis, quibus dicitur Episcopi forte, occasione visitationis, vel itineris, hospicio excipiuntur in casibus à jure permissis, vel de speciali Sedis Apostolicæ licentia absentes à domo propriæ habitationis: Clementis XI. 15. Decemb. 1703. Innoc. XIII. 13. Maii 1723. in const. quæ incipit Apostolici ministerii: confirmata à Bened. XIII. 17. Sept. 1724. in alia, quæ incipit la supremo 23. Sept. 1724. Vide num. seq. 638. 671. 779. & 1248. (verb. Constitutio).

Si festum SS. Annuntiationis Mariæ occurrat in feria sexta in Parasceve, vel in Sabbato Sancto, transferatur una cum præcepto audiendi missam, & vacandi ab operibus servilibus ad feriam secundam post Dominicam in Albis, etiam quocumque alio festo impeditam; ita ut eadem feria, prædicto casu eveniente, perpetuis futuris temporibus pro sede propria fixa, memorato festo Annuntiationis assignata & stabilita intelligatur; & in illa eo prorsus modo & forma præferatur festum quoad officium & missam celebratur, quibus propria die vigesima quinta Martii in calendario Romano appositum celebraretur: protrahit ad aliam diem non impeditam juxta rubricas Breviarii Romani omnibus aliis festis in eadem feria occurrentibus, quæ non sint altioris ritus; S. R. C. 11. Februarii, & 11. Martii 1690. approbante Alex. VIII. & Clem. XI. 15. Mart. 1712. Const. quæ incipit Italice: Occurrendo nel Venerdì Santo: (Eo prorsus modo, & forma); servatis iis, quæ ad Paschale tempus conveniunt: Rubr. Miss. & Brev. proposit. Vide attentè recens decretum sub num. 1233.

In Patronorum, sive Protektorum præcedentia servandus est ordo hierarchiæ ecclesiasticæ; & inter ordinem hierarchicum attendenda est anterioritas in electione. S. R. C. 11. Mart. 1690. in Lycin. Vide n. 527. & 571.

In ecclesiis titularibus sub invocatione S. M. Angelorum (apud Minores S. Francisci) officium cum missa faciendum est ut in festo S. M. ad Nives, sed Lectiones secundi nocturni sumendæ sunt à secundo nocturno diei Nativitatis ejusdem B. V. mutato verbo Natali in verbum Festivitatis; Sac. Rit. Cong. 10. Jun. 1690. in una Ordin. Min. de Observ. (Apud Minores S. Francisci, & Cappuccinos) an apud alios: Vide num. 843. & 1234. (Mutato verbo Natali in Festivitate) ad primam lectionem secundi nocturni, ubi dicitur: Tanta Virginis illustrata festivitate; Breviar. Roman. de die Nativitatis Beate Mariæ.

Non licet aliquid ex devotione, seu auctoritate privata miscere, mutare, vel apponere inter ea, quæ integrant officia cujusvis diei, quia in officiis Sanctorum nihil est addendum, vel immutandum, nisi à Sede Apostolica concessum fuerit. S. R. C. 10. Jan. 1690. in una Ord. S. Benedicti. Hoc decretum est conforme Bullæ S. Pii V. quæ incipit Quod à nobis: data Romæ septimo idus Julii 1568. Vide num. 630.

In processionibus, in quibus deferuntur Sanctissimum Sacramentum, vel Lignum Crucis, tam Clerus, quam Seculares detecto capite incedere debent: in aliis vero processionibus, in quibus deferuntur reliquæ, vel statua Sanctorum, tunc Seculares, & Ecclesiastici, qui eas deferunt, detecto capite; alii vero Clerici possunt incedere recto capite cum bireto; quando vero non gestantur reliquæ, Magistratus ad instar Clerici potest incedere capite cooperato. S. R. C. 18. Junii 1690. vel 2. Sept. in Cajetana. (Lignum Crucis) majori solemnitate, quam alie Reliquæ, in processionibus deferendum. Vide num. 1273.

Festa Sanctorum celebranda sunt eo die, quo cadunt. Verum si incidant in diem impeditam; transferenda sunt in alteram diem non impeditam juxta rubricas Breviarii Romani, neque immutari possunt de licentia Ordinariorum, ut pluries decrevit S. R. C. 2. Sept.

Sepr.



Sept. 1690. in *Panormitana*. Et signanter 14. *Novemb. 1620. in Alben. & 22. Nov. 1631. in Toletana, necnon 3. Decemb. 1630. in Syracusana.* (Juxta rubricas Breviarum); videlicet de translatione festorum, servato ordine ut in *num. 521.* (Nec immutari possint), nisi sint perpetuo impedita. Vide *num. 1195.*

627 Vicario generali nunquam competit præcedentia supra Canonicis sacris vestibus indutos, neque in choro, neque in processionibus, nec competit usus sacrum vestium, nisi sit de gremio Capituli, & eo casu stare debet in loco suæ receptionis, juxta alias resoluta; S. R. C. 2. *Decembris 1690. in Adjacen.* Vide *num. 16. & 222.*

628 Etsi secundum regulas Breviarum Romani, cum plura festa æqualis ritus transferenda sunt, unum ante aliud transferri debeat eo ordine, quo erant celebranda propriis diebus; attamen quia anno 1690. specialis prærogativa concessa fuit translationi festi Annuntiationis Mariæ incidentis in feriam VI. Parasceve, vel Sabbatum Sanctum; idcirco ob specialem reverentiam Dominicæ Incarnationis hoc speciali privilegio decoratur idem festum Annuntiationis, nimirum ut quotiescumque contigerit festum prædictum, etiam quoad solum Officium, post octavam Paschæ transferri, idem ceteris semper festis æqualis ritus præponatur, licet temporis ordine sit in Calendario posterius illis; Sac. Rit. Congreg. 14. *Jun. 1691. in Decreto generali.* Resolutions quamplurimæ de hac Annuntiationis solemnitate. Vide *sub num. 620.*

629 Concionator absente. Episcopo debet prius salutem Canonicis Cathedralis in apparatu choralis capitulariter sedentes, & deinde Governatorem secularem Civitatis; Sac. Rit. Cong. 11. *Aug. 1691. in Verellen. Salutationis.* Vide *num. 603.*

630 Officia Sanctorum ratione Corporis, seu insignis reliquæ recitanda, intelligi debent de Sanctis dumtaxat in martyrologio Romano descriptis, & dummodo constet de identitate corporis, seu reliquæ insignis illiusmet Sancti, qui reperitur in martyrologio Romano descriptus. De ceteris autem Sanctis in prædicto martyrologio non descriptis, aut quibus à S. Sede non fuerit specialiter concessum, officia recitari, & missæ celebrari non debent, non obstante quod ipsorum corpora, vel insignes reliquæ in ecclesia asserentur, quibus tamen ab Ordinariis locorum approbatis, debita fidelium veneratio (prout hæcenus servatum est) exhibeatur, sed absque officio & missa, sub poenis de non satisfaciendo præcepto recitandi officium, aliisque in constitutione S. Pii V. contentis; Sac. Rit. Cong. 11. *Augusti 1691. in Decreto generali approbante Innocent. XII. 19. Octob. ejusdem anni, in decreto, quod incipit Cum Sacra Rituum Congreg. & Clement. XI. die 29. Septembris. 1714. constituit. quæ incipit, Cum occasione Missalis; Vide num. 163. & 215. Vide etiam num. 1223. (In Constitutione S. Pii V.) quæ incipit Quod à nobis; die 9. Julii 1568. edita.*

631 Sanctorum officia, concessiones, lectiones, orationes, antiphonæ, & responsoria, aliæque hujusmodi, imposterum à typographo Camerali dumtaxat imprimantur; & inhibeatur omnibus impressoribus, seu typographis tam in Urbe, quam extra, ubi vis locorum dicta officia imprimere, nisi facultate in scriptis accepta ab Inquisitoribus hæreticæ privatis, si inibi fuerint, sin minus à locorum Ordinariis, qui quidem facultatem hujusmodi non prius concedant, quam originale sumpsum Sac. Congregationis, vel exemplar Typographi Cameralis authenticum manu Secretarii ipsius Sac. Congregationis, & sigillo obsignatum ipsis exhibeatur, quod exemplar in nihilo prorsus immutatum, nihilque in eo additum, sive detractum in eo imprimi debeat. Sac. Rit. Cong. 11. *Aug. 1691. approbante Innoc. XII. die 19. Octob. ejusdem anni.* Vide *num. 623.*

632 Quæcumque dies octava B. M. V. debet habere integras utrasque vespas in concurrentia cum quocumque officio duplici minori. Sac. Rit. C. 11. *Aug. 1691. in Romana Dubiorum.* Vide *num. 522.*

633 Officia ad libitum occurrentia infra octavas non

privilegiatas, etiam particulares, & propriæ Religionis, omittenda sunt. Sac. Rit. Cong. 11. *Aug. 1691. in Romana Dubiorum.* Vide *num. 580.*

634 In feria VI. post octavam Ascensionis potest fieri de festo semiduplici translato. S. R. C. 11. *Aug. 1691. in Romana Dubiorum.* (De festo semiduplici translato). An commemoratio Feriæ in missa faciendâ. Vide *n. 818.*

635 Canonici semper, & quodcumque tenentur in missis solemnibus, & conventualibus, quæ à Dignitatibus, & ab ipsis cantatur per gyrum, præcipue in diebus festis ex obligatione capitulari, assistere sibi met ipsis gradatim in ministerio Subdiaconi & Diaconi, nec possunt substituere alios simplices Sacerdotes non de gremio Capituli ad exercendum officium Subdiaconi & Diaconi in hujusmodi solemnium missarum celebrationibus, etiam assistente Episcopo, non obstante quocumque contraria consuetudine. Sacra Rituum Congreg. 15. *Sept. & 15. Decemb. 1691. in Sarnen. & postea 14. Jun. 1692. in una Bituntina.* (In ministerio Diaconi, & Subdiaconi) Canonico Penitentiario semper excepto. Vide *num. 489.*

636 A die 17. Decembris inclusive, usque ad vigiliam Nativitatis Domini exclusive fieri potest quocumque officium duplex, vel semiduplex, occurrens, vel translatum, sed in utrisque vespis pro commemoratione ferie dicuntur antiphonæ majores tunc occurrentes. S. R. C. 17. *Maij 1692. in Florentina, & prius 5. Martij 1664. in Neapolitana.* (Antiphonæ majores), quæ etiam in festis primæ classis non omittuntur, & semper, etiam in ritu semiduplici, duplicantur. Rub. Brev. *prop. Vide num. 79.*

637 Licet est Episcopo accedere cum mitra, quando defert reliquiam Ligni Sanctissimæ Crucis in processione. Sac. Rit. Cong. 14. *Jun. 1692. in Maceraten.* (Reliquiam SS. Crucis) sub baldachino deferri, incensantibus duobus thuriferariis, concedit S. R. C. n. 1237. Clerus vero & populus detectis capibus incendant. Vide *num. 624.*

638 Ubi celebratur festum SS. Gabrielis, vel Raphaelis Archangelis, ad octavam benedictionem dicatur: *Cujus festum colimus, non vero quorum festum.* S. R. C. 13. *Sept. 1692. in Hispanen.*

639 Si festum S. Joseph occurrat in feria V. majoris hebdomadæ, ejus officium transferendum erit ad aliam diem juxta Rubricas Breviarum Romani, & decreta S. Congregationis: ceterum præceptum audiendi missam, & vacandi ab operibus servillibus non erit transferendum, sed servandum in prædicta feria V. adeoque per Ordinarios locorum accurate providendum, ut eo die aliæque quidem missæ privatæ ante celebrationem solite missæ conventuales celebrandæ pro præcepto adimplimento non desint: sed tamen propterea antiquus mos communionis Cleri in missa solenni illius diei, quo ecclesia SS. Eucharistiæ Sacramenti institutionem, & memoriam recollit, summa religione hæcenus retentus, nullatenus omittatur. Sac. Rit. Cong. 13. *Sept. 1692. Innocent. XII. in suo Bullario confirmante const. que incipit Cum anno. (Decreta Sacra Congregationis) sub num. 620. & 627. Ac idem prorsus agendum de festo Annuntiationis.* Vide *num. 619. & 641.*

640 Si officium & missa de aliquo Sancto celebrantur in cathedrali, vel matrice, seu parochiali propter insignem reliquiam, quæ ibi asservatur, non potest celebrari per civitatem, sed in ipsa sola ecclesia ex decreto Sacræ Congregationis, contra abusus, edito 8. Aprilis 1628. & impresso in missali, & in breviario Romano. Si officium concessum fuit universo Clero civitatis de aliquo Sancto, cujus insignis reliquia asservatur in cathedrali, vel matrice, seu parochiali, tunc missa cum symbolo celebranda est in ipsa ecclesia tantum: in aliis vero ecclesiis sine symbolo ex rubrica. Missalis Romani 11. de Symbolo, juxta Decretum 2. *Decemb. 1684. in una Ord. Can. Reg. Lat. S. R. C. 10. Jan. 1693. in una Galliarum.* Vide *num. 583. seq.*

641 Ubi est Confraternitas SS. Sacramenti, quando in una Dominica, cujuslibet mensis fit processio intra, vel extra ecclesiam una cum SS. Sacramento, debet dici

missa de Dominica. Sac. Rituum Cong. 10. *Jan. 1693. in una Galliarum.* (Missa de Dominica) cum colore conformi, etiamsi violaceo. Vide *n. 113. 1240. & 1254.*

642 Quando festum Annuntiationis B. M. V. occurrat in Sabbato Sancto, missæ privatæ celebrari non possunt, & festum Annuntiationis transferendum erit ad feriam secundam post Dominicam in Albis, tamquam ad diem propriam & fixam, juxta decretum 11. *Feb. & 11. Mart. 1690.* Quando vero occurrat in feria quinta in Cæna Domini, servandum est decretum generale pro festo S. Joseph editum 13. *Sept. 1692. Sac. R. C. 10. Jan. 1693. in una Galliarum.* (Quando occurrat in Sabbato Sancto... transferendum erit... tamquam ad diem propriam juxta decretum 1690.) Hodie etiam secundum alium generale 2. *Septemb. 1741. emanatum. Vide numer. 1094.* (Quando occurrat in feria 1. servandum est decretum generale 13. *Septembris 1692.*) sub *num. 638.* Adde aliud quoque 20. *Jul. 1748.* positum sub *num. 1235.*

643 Missæ privatæ de Requiem, corpore præsentæ, & insepulto, dici non possunt diebus, quibus fit de officio duplici, vel aliis à Rubrica vetitis, & quocumque consuetudinem tamquam abusum abolendam juxta dispositionem Rubricæ Missalis Romani de Missa defunctorum n. 2. in fine, & decreta Sacræ Congregationis, & signanter generale 5. *Aug. 1662.* servanda esse mandavit S. R. C. 10. *Jan. 1693. in una Galliarum.* Vide *num. 19. & 76.*

644 In missa solenni de feria commemoratio non est faciendâ de Sancto semiduplici occurrente, cujus missa pariter cantanda est absque commemoratione ferie, & in utrisque missis tempore Passionis dicenda est tantum secunda oratio *Ecclesie*, vel pro Papa, ut docet Gavantus. In missis autem privatis de festo semiduplici, cum sit clara dispositio Rubricæ IX. de Oratione *num. 5.* dicenda est secunda oratio de feria tertia *ecclesie*; vel pro Papa; de simplici vero faciendâ est commemoratio juxta eandem rubricam. S. R. C. 10. *Januar. 1693. in una Galliarum.* (Tempore Passionis). Adde etiam infra octavas Paschatis, & Pentecostes: *Vide num. 1040.* (De simplici)... juxta eandem rubricam, in qua legitur: *Occurrente vero simplici, hæc omittenda erunt, sicuti & in missis ferialibus à Dominica Passionis usque ad feriam V. in Cæna Domini; Rubr. Miss. cit.*

645 Si in die S. Marci post processionem in ecclesia minori, seu non collegiata cantetur unica missa, ipsa debet esse de Rogationibus, & servanda est rubrica missalis Romani posita ante missam festi Sancti Marci, ubi præscribitur, quod de prædicto Sancto cantanda est missa tantummodo, quando processio terminatur ad Ecclesiam eidem Sancto dicatam, quemadmodum cavetur in Cæremoniali Episcoporum *lib. 2. cap. 32. & decrevit S. Congregatio 23. Maij 1693. & alias pluries; Sac. Rit. Cong. 10. Januar. 1693. in una Galliarum.* (De Rogationibus) sine *Gloria, & Credo.* licet die Dominico vel infra octavam Paschæ. Vide *n. 613. 632. & 700.*

646 Quæsitum fuit à S. R. C. declarari: si officium duplex Romanum de præcepto cadat in die, quo fit officium de Sancto proprio aliquis diocesis, vel religionis, & tale officium proprium habet octavam, utrum Romanum transferendum sit post octavam officii proprii, vel de eo fieri infra octavam, & ei assignari dies fixus? Si Romanum sit semiduplex, utrum debeat idem servari? Si Romanum sit semiduplex ad libitum, utrum transferri post octavam, vel locus fixus infra octavam ei assignari possit? Si Romanum, & proprium sit ejusdem classis, & neutrum habeat octavam, de quo fieri debeat officium, de Romano, an de proprio, si occurrant eodem die? Sacra autem Congregatio respondit; in occurrentia officii duplicis Calendarum Romanum cum officio proprio habente octavam, de eo (scilicet de duplici Romano) fieri debere infra octavam, prima die alio festo duplici, vel semiduplici non impedita juxta rubricam VII. Breviarum Romani de *Octavis n. 3. & 10. de translatione festorum n. 3.* Quoad secundum de officio semiduplici fieri debere die immediate

sequenti, scilicet 2. die infra eandem octavam, que si fuerit alio festo duplici, vel semiduplici impedita, prædictum officium transferendum esse post octavam juxta rubricam X. de Translatione *num. 5.* Neutrum tamen transferri debere in diem fixam, nisi aliter indultum fuerit à Sede Apostolica: officia autem ad libitum, sive sub ritu semiduplici, sive duplici infra dictam octavam occurrentia, non posse transferri, sed debere omitti ex decreto generali de officis Sanctorum ad libitum non transferendis edito sub die 24. *Jan. 1682.* Si officium Romanum, & proprium sint ejusdem ritus, servari debere Rubricam X. de translatione festorum n. 6. S. R. Cong. 10. *Jan. 1693. in una Galliarum ad primum dubium.* (Sint ejusdem Ritus, servari debere rubricam X. De translatione *num. 6.*) nempe si duo vel plura festa novem lectionum simul eodem die veniant, fiat officium de majori, id est, de duplici, & semiduplicia transferantur. At si omnia fuerint duplicia, vel semiduplicia, fiat de digniori, seu solemniori, & que minoris solemnitatis sunt transferantur. Si forte per omnia in paritate equali inveniatur, habeat locum officium particulare, & Romanum transferatur, prout decimum fuit 22. *Jan. 1689.* Vide *n. 603.* Quæ vero sint festa inter se digniora, Vide *n. 513.*

647 An officium translationis Patroni, de quo fit, ut de Apostolo, de quo fit duplex per annum, præferri debeat alteri duplici per annum, & habere vespas integras in concursu? Responsum fuit exprimi casum, & doceri de indulto recitandi officium translationis Patroni. Sacra Rit. Cong. 10. *Jan. 1693. in una Galliarum.* Vide *num. antec.* (Exprimi casum), quia non est sufficienter expressus. Festa tamen secundaria Patronorum, si celebrantur cum solemnitate, habent in se naturam duplicis majoris; secus vero minoris. Vide *num. 1102.*

648 Cum præter propriæ ecclesiæ Dedicationem fieri debeat Officium Dedicationis ecclesiæ cathedralis in urbe cum octava, extra urbem sine octava; quæsitum fuit, utrum extra urbem in Ecclesia, quæ propriam non habet Dedicationem, fieri debeat octava Dedicationis ecclesiæ cathedralis; & responsum fuit negative; & Regulares degentes in civitate debere recitare Officium Dedicationis cathedralis sub ritu duplici tantum sine octava ex Decreto edito die 11. *Aprilis 1662.* extra civitatem non tenentur neque ad recitationem officii in die festo, ut aliis pluries Sac. R. C. 10. *Jan. 1693. in una Galliarum.* (In Urbe) & suburbanis. Vide *n. 1130.* (Extra Urbem), nempe in diocesi, celebratur festum Dedicationis, vel sub ritu primæ classis sine octava, vel sub ritu duplici minori apud Seculares, ut in *num. 728.* (Regulares degentes in civitate sub Ritu duplici tantum), intelligi secundæ classis, & sine octava, quo nomine includuntur etiam Moniales. Vide *num. 418.*

649 Quæsitum fuit, si uno die occurrant plures Martyres, quorum officium unum sit semiduplex, & aliud simplex, utrum in vespis pro commemoratione simplicis dicenda sit antiphona *Gaudet in calis* de secundis vespis, ut exemplum est 16. *Sept.* & utrum deat ibi regula, vel exceptio regulæ Rubricæ de Commemoratione *num. 8.* Et responsum fuit servandam esse rubricam IX. de Commemoratione *num. 8.* nisi aliter assignetur in propriis locis, ut ibi docet eadem rubrica. Sac. Rit. Cong. 10. *Jan. 1693. in una Galliarum.* Servandum esse rubricam IX. quæ est: *Commemorationes variantur, ita ut in vespis sumantur ex Laudibus, & in Laudibus ex primis Vespis ejusdem communis, nisi aliter assignetur.* Rubr. Breviar. IX. de Commemor. Vide *n. 1007.*

650 Utrum in officio simplici Martyris, qui sanguinem non fudit, semper pro secundo responsorio dicendum sit *Dominæ prævenisti*, quocumque occurrat feria, vel tantum dum occurrat feria VI. & responsum fuit dicendum esse responsorium: *Dominæ prævenisti* in quocumque officio Martyrum, qui perierunt non effuso sanguine. Sacra Rit. Congregat. 10. *Januar. 1693. in una Galliarum.*

651 Utrum Antiphona B. M. V. *Ave Regina &c.* semper



dici debeat die 2. Februarii, etiamsi festum Purificationis transferatur, vel habeat octavam, & ad utrumque responsum fuit affirmative juxta decretum Sac. Cong. emanatum 11. Jan. 1681. *Sacra Rituum Cong. 10. Januar. 1693. in una Galliarum. Vide num. 520.*

652 Die octava Sancti proprii cadente in festum Conceptionis B. M. V. & Dominica secunda Adventus die 7. Decemb. utrum in primis vespere B. M. primo loco fieri debeat commemoratio de Dominica Adventus, & postea de die octava Sancti proprii? & responsum fuit concurrente Dominica secunda Adventus die 7. Decemb. cum festo Conceptionis B. M. V. & die octava Sancti proprii, Commemorationem fieri, primum de hac, deinde de Dominica, juxta dispositionem Tabellæ secundæ de Concurrentia Dominicæ majoris, si ve primæ vel secundæ classis cum die octava, ut ibi regula tertia, quemadmodum præcise docet Rubrica Breviarii Romani de Commemoratione numer. 11. *Sacra Rit. Congreg. 10. Jan. 1693. in una Galliarum. (Quemadmodum præcise docet Rubrica &c.) scilicet De duplici fiat ante Dominicam, de Dominica ante festum semiduplex &c. Rub. Brev. cit.*

653 Quando dies octava Sancti proprii cadit in festum Præsentationis B. M. utrum transferendum sit officium B. M. vel totum fieri debeat commemoratio diei octavæ Sancti proprii, ut in simili casu refert Gavantus fieri Regi de Sancto Prospero, cujus dies octava est festum Visitationis B. M. V. & responsum fuit, transferendum esse festum Præsentationis juxta rubricam X. de translatione festorum numer. 2. & in tabella de Occurrentia, prout monet Gavantus *sección 3. cap. 12. num. 20.* ibi enim aliter decrevit, & specialiter indulisit Sacra Cong. ibi in gratiam festi Visitationis Beat. M. V. quod ibidem colitur de præcepto; unde num. privilegium sit locale, non potest extendi de loco ad locum ex decreto Sacre Cong. in principio Missalis Romani impresso. *Sac. Rit. Cong. 10. Jan. 1693. in una Galliarum. (Juxta Rubricam X. De translatione... prout monet Gavantus), festa enim tantum primæ, vel secundæ classis locum habent à die octava, excepta die octava Nativitatis Domini, & Epiphaniæ, quæ non cedunt neque duplicibus primæ classis. Rubr. cit. Vide num. 610. & 660.*

654 Quæsitum fuit: dum occurrit festum duplex infra octavam Corporis Christi cum Simplici, utrum non lectio de simplici sit legenda; & responsum fuit, legendam esse nonam lectionem de Simplici in Officio de Sancto duplici infra octavam Corp. Christi, ut in *Nuscana 12. Sept. 1671. Sac. R. C. 10. Jan. 1693. in una Galliarum. An id faciendum in officio de octava, consule n. 471. 486. & 823.*

655 Petitum fuit: si festum festivetur à populo, vel de præcepto, vel de devotione populi, ut Sanctus Ludovicus in Gallia, S. Rochus &c. utrum dici debeat tale officium duplex majus, & lectiones primi nocturni legi de communi, etiamsi in proprio de Scriptura currenti assignentur; & responsum fuit: Festum Sancti Ludovici indultum de præcepto in Gallis esse sub ritu duplici minori tantum, editis decretis die 15. Martii 1608. & 28. Novemb. 1609. propterea non esse dubitandum, quin recitari debeant lectiones, quæ assignantur de Scriptura, approbatis propriis secundi & tertii nocturni sub die 23. Februarii 1619. De Sancto Rochus, licet ejus festum servetur ex devotione, atamen non potest de eo recitari officium, & celebrari missa; nisi in propriis ecclesiis eidem Sancto dicatis, ex concessione Sacre Congregat. die 4. Junii 1629. & clarus die 29. Novembris ejusdem anni, & tunc dicendum est officium sub ritu duplici primæ classis. *Sacra Rituum Congregat. 10. Januarii 1693. in una Galliarum. Vide num. 241.*

656 Quæsitum fuit: cum superest una Dominica post Epiphaniam, nec poni potest Pentecoste, utrum si tota hebdomada ante Septuagesimam præter feriam secundam, quæ simplex habet officium, impediatur officio novem lectionum, poni possit, & debeat in dicta feria secunda, vel legi debeat homilia in sabbato an-

te Septuagesimæ & responsum fuit; satis esse probisum per rubricam Breviarii de Dominicis num. 6. & per aliam rubricam propriam positam ante Dominicam primam post octavam Epiphaniæ, nempe in casu proposito, officium de Dominica faciendum esse in primo sabbato post Epiphaniam festo duplici, vel semiduplici non impedito; alioquin scilicet si prædictum sabbatum esset impeditum, faciendum in prima die post dictam octavam, quæ non reperitur impedita festo duplici, festum vero semiduplex in ea occurrens transferendum in primam diem similiter non impeditam; *Sacra Rituum Congreg. 10. Januar. 1693. in una Galliarum.*

657 Usus pileoli Parocho rheumate laboranti, & Eucharistiam infirmis deferenti, non intra civitatem & oppidum, spectat private ad Episcopum concedere; *Sac. Rit. Cong. 10. Junii 1693. in Trevirensi. Vide num. 261. & 663.*

658 Occurrente vigilia Sancti Matthæ Apostoli feria III. post Dominicam Quinquagesimæ omnino observandum est jejunium, quod non potest anticipari, ratione carnis privii; *Sac. Rituum Congreg. 23. Jan. 1694. in Ariminen. Innoc. XII. confirmante. (Non potest anticipari) nisi ex Indulto Sedis Apostolicæ, ut sponde disposuit Benedictus Papa XIV. die 30. Jan. 1751. in Const. quæ incipit: Prodit jam dudum.*

659 Tertiarii Sancti Francisci degentes in seculo possunt uti Breviario Ordinis Minorum, & illius Calendario conformari; *Sac. Rituum Congreg. 7. Augusti 1694. in una Ordinis Min. S. Francisci, (Tertiarii S. Francisci.) Quid statuatur, cum sint choro obligati. Vide num. 11. 1207. & seq. & 1275.*

660 Octava omnium Sanctorum tanquam dignior præferenda est octavæ Dedicacionis ecclesie; *Sac. Rituum Congreg. 5. Martii 1695. in Sabinen. (Tanquam dignior) & universalis. Vide n. 610.*

661 Festum diei Sancti Caroli transferendum est juxta rubricam de translatione festorum ob occurrentiam cum octava Dedicacionis ecclesie ad diem sequentem; *S. R. C. 5. Martii 1695. in Sabinen. (Cum octava dedicacionis) Octava enim dies, licet non privilegiata, cedit tantum duplicibus primæ, vel secundæ classis. Vide num. 610. & 651.*

662 In ecclesiis beatæ Mariæ sub quocumque titulo dicatis, an ferialis officio debeat fieri commemoratio de eadem S. Maria tanquam de Titulari, etiamsi ejusdem officium parvum in choro fuerit recitatum; *S. R. C. 23. Apr. 1695. in Fossanen. (Debet fieri commemoratio.) Quævis vero commemoratio facienda. Vide num. 261. & 616.*

663 Pro suffragio beatæ Mariæ in Ecclesiis eidem dicatis sub quocumque titulo, sive Assumptionis, sive Conceptionis &c. sufficit consueta antiphona; *Sancta Maria, succurre miseris &c. Sac. Rituum Congreg. 23. Aprilis 1695. in Fossanen. Vide num. ant.*

664 Parochis ministraturis SS. Sacramentum infirmis, non est licitum de die, neque de nocte, uti parvo pileolo in delatione ejusdem per Civitatem, sub prætextu alicujus infirmitatis, absque speciali Sanctæ Sedis licentia; *Sac. Rituum Congreg. 13. Augusti 1695. in Januen. (Per civitatem), extra vero civitatem & oppidum ex consensu Episcopi. Vide num. 261. & 616.*

665 Sacerdos, qui celebrat missam conventualem, in qua chorus tenetur cantare symbolum, non potest eam prosequi eo tempore, quo à choro cantatur symbolum. *Sac. Rituum Congreg. 17. Dec. 1695. in Januen. & antea 13. Septemb. 1630. in Beneventana. (A choro cantatur symbolum) totum organum enim non erit intermiscendum; Cærem. Episc. lib. 1. c. 28. num. 10.*

666 Cum nonnullorum non rite sensum generalis rubricæ breviarii Romani tit. 10. num. 7. de translatione percipientium, obreperit opinio, quod de festo transferendo, quod potest in sequentem diem immediate transferri, sit recitandum officium ante alia æqualis ritus prius translata; *Sac. Rit. Cong. ad relationem Eminentissimi, & Reverendissimi D. Card. Petrucci supradictam generalem rubricam omnino, quocumque alio decreto in contrarium non obstante, in casu pro-*

posito (servato ordine calendarii) officium de primo translato prius recitandum esse declaravit; Ita tamen ut per hanc declarationem nihil penitus circa semiduplicia in Dominicis infra octavas occurrentia veniat immutandum, pro quibus prædictam generalem Rubricam tit. 10. n. 5. pariter omnino servandam esse censuit, & ita servari mandavit Sac. Rituum Cong. 22. Decemb. 1696. in *Decr. gener. & 1. Sept. 1703. in Camerin. (Semiduplicia infra octavas occurrentia.) Adde etiam ipsamet die festi, vel in alia infra octavam, in qua Officium de festo duplici recitatum fuit. Vide num. 508. & alios ibi notatos.*

667 Supplicatum fuit: in quam parte altaris à Celebrante absque Diacono, & Subdiacono sit canendum evangelium pro benedictione solemnium palmarum. Et responsum fuit in cornu epistolæ; *S. R. C. 27. April. 1797. in Eugubina.*

668 In ecclesiis, in quibus occasione quadraginta horarum, expositum detinetur Augustissimum Sacramentum, congruentius abstinendum est à celebratione Missarum defunctorum, etiamsi ex præscripto testatorum essent celebrandæ; *Sac. Rit. Congreg. 27. Apr. 1697. in Eugubina. (Occasione quadraginta horarum), vel alia causa publica, & quid de aliis expositionibus consule num. 1222. seqq. (Ex præscripto festorum). Privilegium altaris per missas currentes, vel votivas de SS. Sacramento, adimpletur ex Const. Clementis XI. exhibitæ pro quadraginta Horis, quæ incipit: Essendo state fate S. 17. lata die 1. Sept. 1736.*

669 In vigilia Epiphaniæ dici non possunt missæ private de requiem; *Sac. Rit. C. 27. Apr. 1697. in Panormitana. Vide num. 850. & 932.*

670 Officium semel in hebdomada concessum recitari potest die Sabbati, si tota hebdomada sit impedita, & in tali casu omittendum Officium Beatæ Mariæ in Sabbato; *S. R. C. 27. Apr. 1697. in Panormitana; Vide num. 717. seqq.*

671 Prima die mensis non impedita festo duplici, vel semiduplici, & in qua occurrit recitari officium defunctorum, potest recitari supradictum officium semel in hebdomada concessum, transferendo, vel etiam aliquando omitendo officium defunctorum; *Sac. R. C. 27. Apr. 1697. in Panormitana.*

672 In ecclesiis tam parochialibus, quàm non parochialibus, ubi deest numerus cantorum, non potest celebrari in Sabbato Sancto unica missa privata, loco solemniori, ut in ejusdem ecclesiis fiat benedictio tam luminis, & cerei, quàm aquæ, attentis maxime decretis 11. Feb. & 11. Mart. 1690. prohibentibus celebrationem Missarum privatarum, & unicam tantum missam conventualem una cum officio Sabbati Sancti celebrari præcipientibus; *Sac. Rituum Cong. 13. Jun. 1697. in Januen. (Attentis maxime decretis) sub num. 503. (Missa privata): solemniter vero etiam non cantata conceditur à Benedicto XIII. qui cæremoniæ parvum pro ecclesiis minoribus promulgavit anno 1725. Vide num. seq. & 1308. Quid agendum, si eo die festum SS. Annuntiationis occurrerit. Vide num. 619.*

673 Benedictio aquæ in Sabbato Sancto etiam sine effusione Olei Sancti, fieri non potest in ecclesiis non habentibus fontem baptismalem, quamvis usus sit in hujusmodi ecclesiis talem benedictionem fieri; *Sac. Rituum Cong. 13. Jul. 1697. in Januen. (Benedictio Aquæ in Sabbato Sancto), neque extra Sabb. Paschæ, & Pentecostes, quando aqua consecrata non habetur, num. 1305. & seqq. (Sine effusione Olei) ut est apud illos, qui ante fontis benedictionem Olea Sacra recipere non potuerunt. Vide num. 1307.*

674 Ad removenda aliqua dubia quæsitum fuit, sub quo ritu in Hispaniæ regnis (excepta civitate Gerundia) sit celebrandum officium Sancti Narcisi, & sub quo ritu censerit debeat indultum officium per extensionem in ceteris casibus, quando à Sacra Congregatione non exprimitur; & examinitis decretis, responsum fuit: Officium S. Narcisi recitandum esse in civitate, & diocesi Gerundia die 29. Octob. cum missa sub ritu duplici primæ classis cum octava, die vero 18. Martii de eo fiat

commemoratio tantum, sicut quadagesimali tempore fit de simplicibus: In ceteris regnis autem Hispaniarum recitandum esse sub ritu duplici minori dicta die 29. Octob. S. R. C. 3. Aug. 1697. in *Hispanen.*

675 In ecclesiis permittuntur altaria tantum antiqua Sanctis veteris Testamenti Prophetis dicata; *Sac. Rit. Congreg. 3. Aug. 1697. in Imolen.*

676 Non est tolerandus usus, qui ab aliquibus servatur feria VI. in Parasceve, incensandi iterum SS. Sacramentum post incensationem oblatorum, omitendo consuetam Crucis incensationem, cum sit contra rubricam illius diei; *Sac. Rit. Congreg. 3. Aug. 1697. in Panormitana. Vide num. 683. (Rubricam illius diei) præcipientem, ut Episcopus incenset oblata, & inde crucem, & altare more solito; Cærem. Episc. lib. 2. c. 25. num. 33. Vide num. 705.*

677 In depositione defunctorum in verbis illis: *Non intres in iudicium cum servo tuo Domine, quia nullus apud te justificabitur homo,* quando est mulier, aut plures sunt defuncti, non possunt verba *servo tuo,* immutari *serva tua,* vel *terris tuis,* absque sacre rubricæ læsione, & servandum est Rituale; *S. R. C. 32. Aug. 1697. in una Puseoli diocesis Fanensis, & 21. Jan. 1741. in Calaguritana.*

678 Primæ lectioni secundi nocturni in festo S. Thomæ de Villanova post verba, *Exacta pueritia, Compluto quæ missus fuerat,* statim addantur sequentia, *ut alumnus, in collegio majori S. Ildesonsi.* Et post verba, *eodemque statim reversus est,* addantur *Sacre Theologie curri confecto, adeo doctrina excellit, ut in eadem universitate cathedram ascendere juxta philosophicæ, theologicæque quasiones mirabiliter explanaverit;* *S. R. C. 31. Augusti. 1697. in decreto Urbis & Orbis.*

679 Ante versiculum, qui dicitur Communio, cooperiendus est calix velo in anteriori parte, prout ante Confessionem; *S. R. C. 1. Martii 1698. in Pragen.*

680 Cum Officia non sint ejusdem ritus, Episcopus in sua diocesi non potest minus digno fixam diem assignare; *S. R. C. 15. Martii 1698. in Heripolen. Vide tamen recens decretum sub n. 1090. 1177. 1185. & 1195.*

681 In expositione SS. Sacramenti, quæ fit ad instar processioni, quantitas luminum pietatis factentis expositionem remittitur, & in altari super candelabris ad minus sex candelæ accendi debent; *Sac. Rituum Cong. 17. Martii 1698. in Narnien. (Quantitas luminum) videlicet viginti quatuor ad minus candelæ præter duo luminaria majora saltem in expositione quadraginta horarum; Clement. XII. Constit. (Essendo state fatte) Const. Benedict. XIII. & Clement. XIII. §. 4. 1. Sept. 1736. Const. edita.*

682 Festa ad libitum, quæ semper cadunt infra octavas Sanctorum, celebrari non possunt, attento decreto sanctæ memoriæ Innocentii XI. 24. Jan. 1682. emanato prohibente talia festa ad libitum celebrari infra octavas Sacra Rituum Congregat. 15. Mart. 1698. in *Heripolen. (Quæ semper cadunt): non immutata lege Sanctorum ad libitum. Nunc datur exceptio. Vide n. 1181.*

683 Si aliquod festum sive duplex, sive semiduplex pro universali ecclesia noviter à S. Sede Apostolica institutum, vel institutum occurrit singulis annis eodem die cum festo diocesano ejusdem ritus, debet fieri officium de festo instituto pro Ecclesia universali; *S. R. C. 15. Mart. 1698. in Heripolen. (Officium de festo instituto pro ecclesia universali): modo addas, si major dignitas, vel solemnitatis apparatus in officio universali exigatur; alioquin de illo diocesano, ut peragatur docet aliud decretum urbis & orbis mandatum. Vide num. 776.*

684 In Sanctorum Patronorum electione fieri non debent promissiones servandi diem festum patroni electi tanquam de præcepto, etiamsi ab ecclesia universali sub tali ritu non colatur: nam has promissiones, & vota non admittit, nec approbat, sed rejicit, & tantum ex devotione servari posse concedit *S. R. C. 15. Mart. 1698. in Theatina, & Pines. pro clero, & populo nonnullorum oppidorum. (In Sanctorum patronorum electione) minus principalium, nam primus loci patronus habeat etiam*



festivum diem de præcepto, ex Const. Urbani VIII. quæ incipit. Universa. Vide num. 243. & 1130.

685 Consuetudo triginta annorum non habet vim ad hoc ut continuari possit recitatio officii de aliquo Sancto in ecclesia, in qua asservatur ejus corpus, nisi doceatur, an sit descriptus in martyrologio, & de ejus identitate constet; S. R. C. 5. Jul. 1696. in Collen. (Consuetudo triginta annorum): neque antiqua & immemorabilis. Vide num. 1217. (In martyrologio Romano): vel à Sede Apostolica concessio. Vide num. 629.

686 Si in feria III. Rogationum occurrat festum simplex, in Cathedralibus & Collegiatis non sunt cantandæ duæ Missæ; S. R. C. 5. Jul. 1698. in Collen.

687 In absolutionibus in die Commemorationis omnium fidelium defunctorum non est dicenda tota conclusio in oratione; Sacra Rituum Congregatio 5. Jul. 1698. in Collen. (In Absolutionibus), secus vero in officio; Rubr. Brev. de officio def. Vide num. 593.

688 In expositione, & depositione SS. Sacramenti etiam causa devotionis non est addendum Alleluja ad versiculum Panem de celo; S. R. C. 5. Jul. 1698. in Collen. (Non est addendum alleluja): intellige extra tempus Paschale, vel Octavam Corporis Christi; Clem. XI. Constit. Essendo state fatte: approb. Innocentio XIII. Bened. XIII. & Clem. XII. die 1. Sept. 1736. edita numer. 21. tunc enim addendum est alleluja.

689 Parochus duarum ecclesiarum unitarum debet de ambarum Patrono & Titulari recitare officium juxta rubricas, maxime si Ecclesie sint peræque unite; S. R. C. Cong. 5. Jul. 1698. in Collen. Juxta rubricas: videlicet primæ classis octava; Rub. Brev. 8.

690 In anniversario occurrenti in festo duplici secundæ classis non potest cantari missa de requiem; Sac. Rit. Congreg. 5. Jul. 1698. in Collen. (In anniversario), quando vero concedatur; Vide n. req. & 19. req.

691 In duplicibus primæ classis etiam presente corpore non potest cantari missa defunctorum, & multo minus dicenda est una missa privata deficientibus clericis in choro; Sac. Rit. Cong. 5. Jul. 1698. in Collen. (In duplicibus primæ classis); intellige festis, & quæ sint; Vide num. 75.

692 Infra octavas privilegiatas non potest cantari missa defunctorum in anniversario, & officio solemnibus; Sac. Rit. Cong. 5. Jul. 1698. in una Collen. & 2. Sept. 1741. in Aquen. (Infra octavas privilegiatas), scilicet Paschæ, Natalis, Pentecostes, Epiphaniæ, & Corporis Christi; Rub. Brev. de Octav. Vide num. ant. & req. ac 75.

693 In die anniversarii, & depositionis, non potest cantari defunctorum missa loco conventualis; Sac. Rituum Congreg. 5. Jul. 1698. in Collen. (In die anniversarii, & depositionis). Potest tamen prima die mensis cantari missa principalis generaliter defunctorum (extra Adventum, Quadragesimam, & tempus paschale) si eo die non fuerit festum simplex, vel feria, quæ propriam habeat missam, aut reasumenda sit missa Dominica præcedentis, quæ fuit impedita, & infra hebdomadam non occurrat alius dies, in quo reassumi possit; quo in casu in ecclesiis cathedralibus & collegiatis cantantur duæ missæ, una pro defunctis, alia de simplici, vel feria, & in ecclesiis non cathedralibus nec collegiatis una de die cum commemoratione generaliter defunctorum; Rubr. Mis. tit. 5. num. 1.

694 Quando in mense Novembris sunt eadem die ponenda plura initia Prophetarum, dicenda est tantum unica lectio; S. R. C. 5. Jul. 1698. in Collen. (Dicenda est tantum unica lectio) pro præcepto adimplendo, poterunt etiam recitari tres lectiones simul ad modum unius; Rubr. Brev. XXVI. de lectio. num. 3. & 6. Vide num. 1099.

695 Non possunt poni plura tribus initiis Prophetarum unica die; S. R. C. 5. Jul. 1698. in Collen.

696 Ubi sunt plura officia habentia primas lectiones proprias, possunt omitti aliqua ex dictis initiis Prophetarum, occurrente legitima causa; Sac. Rit. Congreg. 5. Jul. 1695. in Collen.

697 In Dominicis Adventus, & Quadragesimæ, in quibus fit de duplici primæ classis, non sunt cantandæ

duæ missæ; Sac. Rit. Cong. 5. Jul. 1698. in Collen. (In Dominicis adventus, & quadragesimæ) intellige secunda, tertia, vel quarta, in quibus officium & missa festo duplici primæ classis non denegantur; secus vero de primis Dominicis, in quibus nec missa solemnibus de duplici primæ classis occurrente conceditur; Rub. Mis. tit. 6. num. 1.

Si anniversarium anticipetur, aut postponatur per aliquot dies, potest dici missa ut in anniversario; Sac. Rit. Cong. 5. Jul. 1698. in Collen. (Potest dici missa ut in Anniversario) vel quotidiana; (Oratio vero Deus Indulgentiarum &c.) non erit varianda. Vide num. 19. & 1279.

Officium defunctorum pro secunda die Novembris potest recitari etiam presente Episcopo ante Completorium diei festi omnium Sanctorum; Sac. Rit. Cong. 5. Jul. 1698. in Collen. (Ante Completorium); intellige etiam horam Completorii in choro dicendum solemniter. Cæremonia enim ait: Interim Episcopus post Vesperas omnium Sanctorum, & Canonici paramenta deponunt: Mansionarii, seu Capellani, vel Seminariste in Secretario recitabunt Completorium; Cærem. Episcop. lib. 2. cap. 10. num. 2. An permittatur absente Episcopo, & quomodo, & quid statuatur de privata recitatione, consule num. 21.

Quando ab aliqua Congregatione dicitur totum officium defunctorum, non debet illud dici, ut secunda die Novembris omittendo psalmos post vespere, & matutinum positos in officio defunctorum; Sac. R. C. 5. Jul. 1698. in Collen. (Omittendo psalmos) Quando vero omittuntur sint psalmi prædicti. Vide n. 1020. & 1066.

Occurrente festo S. Marci infra Octavam Paschæ in missa Rogationum non est dicendum Credo; Sac. Rit. Cong. 5. Jul. 1698. in Collen. (Infra octavam Paschatis), & in quacunque die etiam Dominica. Vide num. 612.

Deficiente Subdiacono pro missa solemnibus, data necessitate, potest permitti per superiores, ut substituantur constitutus in minoribus ordinibus, ad cantandam epistolam, paratus absque manipulo; Sac. Rit. Cong. 5. Jul. 1698. in Collen.

Sacerdos missam celebraturus transiens ante altare, ubi sit populi communio, non debet permanere inflexus, donec, & quousque terminetur Communio; S. R. C. 5. Jul. 1698. in Collen. Quomodo vero debeat genuflectere. Vide num. 278.

In ecclesia cathedrali, quæ habet privilegium recitandi officium novem lectionum qualibet hebdomada non impedita, non potest cantari unica missa ferie cum commemoratione officii currentis, quando eo die occurrat feria, quæ habeat missam propriam; S. R. Cong. 5. Jul. 1698. in Collen. (Unica Missa): sed una de officio post Tertiam, altera de Feria post Nonam; Rub. Mis. tit. 3. num. 2.

Potest permitti, quod Hebdomadarius, aut alius Canonicus post processionem in festo alicujus Sancti, stans ad altare majus benedicat populum, habens tantum superpellicem, & stola, sicut in aliis processionibus, stola, & pluviali; S. R. C. 5. Jul. 1698. in Collen. Vide num. 776. & 1038.

In feria VI. Parasceves thurificanda sunt oblata; sed post thurificationem oblatorum, non est iterum thurificandum Sacramentum, ob ejus tamen presentiam non est omittenda thurificatio Crucis, sed Crux & altare thurificanda sunt eo prorsus modo, quo fit in aliis missis, non omissis debitis genuflexionibus transeundo ante SS. Sacramentum; S. R. C. Jul. 1698. in Panormitana. (Crux & altare thurificanda sunt, eo prorsus modo quo fit in aliis Missis) posito autem incenso sine osculo & benedictione; Cærem. Episc. lib. 2. cap. 25. num. 33. Crucem vero thurificat celebrans triplici ductu; Idem lib. 1. cap. 23. num. 4. Vide num. 675.

In transeundo de una ad alteram partem altaris in prima, secunda, & tertia missa Nativitatis Domini, servantur rubricæ missalis, quæ nullam præscribunt genuflexionem ante calcem esse faciendam; S. R. Cong. 2. Aug. 1698. in Vercina. Vide num. 604.

707 In expositione SS. Sacramenti, cantatis, seu recitatis versiculis, Panem de celo &c. Sacerdos insurgens non debet reiterare genuflexionem antequam recitet orationes; Sac. Rit. Congreg. 2. Augusti. 1698. in una Urbis & 6. Sept. 1698. in Ravennaten.

708 Si Episcopus suffraganeus accedens ad ecclesiam deferat cappam, teneatur ipse sustentare sibi caudam involutam brachio sinistro, & duo Canonici debent ire usque ad ostium ecclesie; dignior vero illorum porrigere ei tenetur aspersorium, quo suffraganeus se ipsum aspergit, & pariter eum associant ad eundem locum; Sac. Rit. Cong. 6. Sept. 1698. in Veltierna. (Se ipsum aspergit); Episcopus vero in propria dioecesi, Capitulum, Magistratum, & circumstantem populum aspergit, postquam se lustrali aqua munerit; & Præsidi vel Gubernatori presentem per contactum aspersorii porrigere; Cærem. Episc. lib. 3. cap. 3. num. 2. req. & 32.

709 Si Episcopus suffraganeus assistens concioni sedeat in presbyterio, concionatoris salutatio ei prius dirigi debet distincta ab illa Canonico, & Magistratus secularis; Sac. Rit. Cong. 6. Septemb. 1698. in Veltierna.

710 Si Episcopus suffraganeus occasione functionum episcopaliū accedat cum cappa, debet se parare in faldistorio, aliis in sacratio; non potest tamen sibi deferri facere caudam vestis violacæ una cum elevatione fimbriæ anterioris in plano pavimento ecclesie; S. R. C. 6. Septemb. 1698. in Veltierna. Vide num. 708.

711 In die commemorationis omnium fidelium defunctorum in ecclesiis cathedralibus vel collegiatis, ubi quotannis occurrit dies octava Dedicationis ecclesie, missæ privatæ dicendæ sunt de requiem, & cantandæ sunt duæ missæ conventuales, una scilicet de die octavæ post Tertiam, & altera de requiem post Nonam juxta rubricas. Quando vero dies octavæ incidit in Dominica, omnes missæ celebrandæ de die octavæ, & commemoratio omnium fidelium defunctorum transferatur in diem sequentem; S. R. C. 27. Sept. 1698. in una S. Germani Montis Cassini.

712 Vesperas Sanctorum Angelorum Custodum esse dimidiandas cum sequenti duplici minori; S. R. C. 27. Sept. 1698. in una Ord. Cappucc. (Vesperas Angelorum esse dimidiandas). Vide posteriora decreta modo observanda num. 520. 842. & 930.

713 Si incidat in eandem diem duplex officium novem lectionum ritus æqualis, quorum unum sit ecclesie universalis, aliud vero Ordinis Minorum, & ambo transferantur: quodnam ex duobus debeat transferri? Quid vero dicendum, si sint ritus inæqualis; ut contingit die 12. Novembris, in qua occurrunt festum S. Martini, quod est semiduplex, & festum S. Didaci duplex secundæ classis? Responsum fuit ad primam partem, officium, quod ab universali ecclesia celebretur, prius esse persolvendum: ad secundam, festa particularia majoris ritus festis minoris ritus præferenda esse, etiam si in calendario pro universali ecclesia sint descripta; S. R. C. 27. Septemb. 1698. in una Ord. Cappucc. Pro prima parte hujus decreti vide contrariam modernam legem sub num. 1016. Pro secunda vero omnia decreta habentur conformia. Vide num. 513.

714 Commemoratio de S. Dominico ex concessione Clementis P. X. ab eisdem faciendâ, quando fit officium de S. Francisco, fieri debet tantum in Officio S. Francisci, quod semel in mense ab iisdem recitatur post alias commemoraciones, & quod in officis per annum semel in mense recitandis de SS. Bonaventura, Antonio Patavino, & Clara, non attendatur ordo dignitatis; Sac. Rit. Congreg. 27. Septemb. 1698. in una Ord. Cappucc.

715 In consecrandis Virgibus servetur Pontificale, & quoad egressum in ecclesiam exteriori arbitrio Em. Archiepiscopi, circa modum accessus & recessus standum erit. Moniales vero per eandem portam exterioris ecclesie accedere debent, ac recedere; S. R. Congreg. 27. Septemb. 1698. & antea 5. Julii ejusdem anni in Bononiam.

716 Festum SS. Fabiani & Sebastiani una simul celebratur in illis locis, in quibus S. Sebastianus est Pa-

tronus minus principalis; S. R. C. 12. Nov. 1698. in Cremon. Aliis resolvitur cum sit patronus principalis. Vide num. 25. & 926.

Festa duplicia, & semiduplicia translata præferenda sunt officio S. Benedicti semel in hebdomada concessio sub ritu semiduplici omnibus Congregationibus Sancti Benedicti; S. R. C. 7. Febr. 1699. in Tarvisina. Hoc decretum est generale. Vide num. seq. & 455.

Officium semel in hebdomada concessum, non potest recitari in Vigiliis ordinariis, & quatuor temporibus juxta alia decreta jam emanata; Sac. Rit. Congreg. 7. Febr. 1699. in Tarvisina. Neque tempore Quadragesimæ, & Adventus, ac feria II. Rogationum; Vide num. seq. & num. 524.

Officium semel in hebdomada concessum recitari valet in sabbato, quando fieri deberet de Sancta Maria in sabbato; S. R. C. 7. Febr. 1699. in Tarvisina. Vide num. ant. & 670.

Pyxis, in qua proprio velo coopertum deferitur SS. Viaticum infirmis, debet etiam cooperiri extremitatibus veli oblongi humeralis; S. R. C. 21. Martii 1669. in Bergomen.

Dignitatibus vel Canonici in choro non debetur thurificatio triplici, sed duplici tantum ductu, non obstante quod ibi, amissis distributionibus, persona habens dignitatem, vel canonicatam incedat cum habitu Protonotarii in choro; S. R. C. 21. Mart. 1699. in Camallicen. Anrula. (Duplici tantum ductu) S. Rom. Ecol. Cardinali præsentem, unico ductu thurificantur. Vide num. 70. & 184.

Non licet Clericis ministrantibus thuribulum, seu naviculam Canonici celebrantibus cum Episcopo genu illis flectere, sicut fit Episcopo; & Diaconis ministrantibus Canonico celebranti, ut benedicat, debet dicere: Benedicite Pater Reverende, non Pater Reverendissime. S. R. C. 4. Apr. 1699. in una Burgi Sancti Sepulchri. (Genu illis flectere) sed ante Canonicos stare debent inclinati, & naviculam Diacono tradere semiapertam Cærem. Episcop. lib. 1. c. 23. n. 1. & lib. 2. c. 3. n. 10.

Infra octavam Sanctissimi Corporis Christi potest recitari officium de duplici primæ & secundæ classis etiam translato, non autem in die octava, in qua nec etiam potest recitari de duplici secundæ classis occurrente; S. R. C. 30. Maji 1699. in Ulyssiponen. Vide num. 514. & 529.

Non possunt Canonici in celebratione missæ uti palmatoria, vulgo bugia; S. R. C. 11. Jul. 1699. in Vicentina.

Lampas ardens omnino retinenda est ante altare Sanctissimi Sacramenti, non vero supra valvas ecclesie in choro de diametro opposito ante prædictum altare; Sac. Rit. Cong. 22. August. 1699. in una Ord. Cappuc. (Lampas ardens). Ante SS. Sacramentum lampades impari numero ad mysticum sensum ordinantur, & ad minus tres accensæ tota die adsint; ad reliqua vero singula altaria singulæ possunt lampades appendi; quæ quidem in præcipuis festis, saltim dum vespere & missa solemnibus decantantur, continue ardeant; Cærem. Episc. l. 1. cap. 12. num. 17.

Dignitates nunquam debent Canonici inservire; Sac. Rit. Cong. 3. Octobr. 1699. & 11. Jun. 1701. in Gerunden. (Inservire), licet præbendis inserviendis gaudeant. Vide num. 30. & 940.

Conceditur primatus fratribus provincie S. Didaci novæ Hispaniæ in Indiis Ordinis Fratrum Minorum S. Francisci disalceatorum nuncupatorum contra Fratres Augustinianos in regno Mexicano, non solum in processionibus solitis, & sub propria cruce, sed etiam in concionibus, disputationibus, concurrentia Prælatorum, aliisque actibus tam publicis, quàm privatis, interveniente, vel non interveniente, familia de Observantia: tam in voce, quàm in scriptis partibus accerime informantibus auditis, ita respondit, & amplius dubium proponi vetuit S. R. C. 13. Mart. 1700. annuente Innoc. XII. 4. April. ejusdem anni in Constit. quæ incipit, Emanavit.

Cum festum Dedicationis cathedralis extra civitatem